

بِسْمِ اللَّهِ الرَّحْمَنِ الرَّحِيمِ



Khutba Jummah

Hadhrat Khalifatullah Munir. A. Azim (atba)

28 Août 2020
08 Muharram 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Du'as (Invocations) (Pt. 8)

وَالذِّكْرِينَ اللَّهُ كَثِيرًا وَالذِّكْرَاتِ
أَعَدَّ اللَّهُ لَهُمْ مَغْفِرَةً وَأَجْرًا عَظِيمًا

Waz-zaakiriinallaaha kasiiraww-wa zaaakiraati 'a-'addallaahu lahum-maghfirataww-wa 'ajran 'aziimaa.

Bane missiés et bane madames ki rappelle Allah beaucoup, Allah fine prépare pour zot le pardon et ene grand récompense. (Al-Ahzab 33 : 36)

D'après ene Hadith rapporté par Ahmad, Bukhari, Muslim, Tirmidhi, An-Nasaï et Ibn Majah et d'après Hazrat Abu Huraira (ra), le Messenger d'Allah (saws) fine dire ki Allah (twf) fine dire [Hadith-e-Qudsi]: « *Mo agir avec Mo serviteur d'après l'espoir ki li ena lors Moi ; Mo ensemble avec li kan li pense Moi. Si li pense Moi dans so lécoeur, Mo pense li dans Mo lécoeur ; si li pense Moi dans ene l'assemblée, Mo pense li dans ene bien meilleur l'assemblée ; si li approche avec Moi distance ene plat la main, Mo approche avec li distance ene coudée ; si li*

approche avec Moi distance ene coudée, Mo approche avec li distance deux coudée et si li marcher pou vine vers Moi, Mo galouper pour alle vers li. »

*Alhamdulillah, Summa Alhamdulillah, Allah (swt) fine donne moi le Tawfiq pour mo continuer sa série de Khutba lors le sujet de « Duahs » et aujourd’hui c’est le 8^{ème} partie ki mo pé faire. Tous sa là c’est par Allah (swt) So grâce et So bénédiction et kot Li pé déverse sa bane duahs là lors moi pour ki mo présente sa devant tous bane frères, sœurs et zenfants en Islam et aussi à tous mo bane très chers disciples ki trouve à travers le monde. **Ya Allah, Ya Azim, Ya Ghaffar, Ya Rabbul Aalameen** (Ô Allah Le Tout-Puissant, L’Indulgent, Le Maître de tous bane les mondes), merci pour tout *Ilm* (connaissance) ki To déverse lors moi afin ki mo dirige To bane *banda* (serviteurs) lors le droit chemin. *Ameen*.*

Nous faire *duahs* ki Allah (swt) accorde miséricorde, salut et bénédiction à nous prophète Muhammad (saws), ainsi ki à so famille et à l’ensemble de so bane compagnons. *Ameen*.

C’est grâce à sa grand prophète *Rahmatul-lil-Aalameen* (miséricorde pour tout l’univers) là ki nous fine conne sa bane *duahs* là. Allah fine enseigne nous bane *duahs* ki So Nabi Kareem (saws) ti pé faire avec Li (Allah) et surtout dans ki bane circonstances bizin faire sa bane *duahs* là. Hazrat Muhammad (saws) même sa guide et modèle parfait là, et nous péna aucaine guide aparte Allah So Rassool (saws). [C’est-à-dire] C’est de li ki tous dimounes prend l’exemple afin pour parfaire zot propre Islam et *Iman* (la foi).

Donc, mo mette devant zot bane *duahs* de nous bien-aimé prophète (saws) :

Allahumma inni a’udhu bika min adhabil qabri laa ilaaha illaa anta.

Ô Allah ! Mo cherche protection avec Toi contre punition de la tombe ; péna l’autre Bondié excepté Toi. (Abu Dawud, Al-Hakim)

Allahumma inni a’udhu bika mina-sh-shiqaaqi wan nifaaqi wa su’il-akhlaqi.

Ô Allah ! Mo cherche protection auprès de Toi contre la discorde, l’hypocrisie et mauvais caractère. (Abu Dawud, An-Nasai)

‘Allahummaj’al fi qalbi nuran wa fi lisaani nuran wa fi basari nuran wa fi sam’i nuran wa ‘an yamini nuran wa ‘an yasari nuran wa min fawqi nuran wa min

tahti nuran, wa min amami nuran, wa 'an khalfi nuran waj'al li finafsi nuran wa a'zimli nuran.

Ô Allah! Mette la lumière dans mo le cœur, la lumière dans mo la langue, la lumière dans mo lizié, la lumière dans mo zoreilles, la lumière lors mo côté droite, la lumière lors mo côté gauche, la lumière lors moi, la lumière enbas moi, la lumière devant moi, la lumière derrière moi, et mette la lumière dans mo l'âme et faire moi de la lumière en grand. (Bukhari, Muslim, An-Nasaï)

Allahumma-qsim lana min khashyatika maa yahulu, bainana wa baina ma'aasika wa min ta'atika maa tuballighuna bihi jannataka, wa minal-yaqini maa tuhawwinu bihi 'alaina musibatid-dunya, wa matti'na bi-asmaa'ina wa absaarina wa quwwatina maa ahyaytana, waj'alhul-waaritha minna, waj'al tha'rana 'alaa man zalamana, wansurna 'ala man 'adaana, wa la taj'al musibatana fi dinina, wa la taj'alid-dunya akbara hammina wa la mablagha 'ilmina, wa laa tusallit 'alaina man la yarhamuna.

Ô Allah! Partage avec nous, à la fois, de la part de To crainte ki nous empêche de commettre bane péchés, de la part de To l'obéissance ki amène nous vers To Paradis et de la part de la certitude ki facilite pour nous bane calamités dans sa le monde là. Faire nous profite de nous l'écoute, de nous liziés et de nous vivre jusqu'à ki nous atteindre ene certain l'âge. Faire ene façon ki nous capave venger contre celui ki opprime nous. Donne nous la victoire contre celui ki hostile envers nous. Pas mette difficultés dans nous la religion et pas faire sa le monde là vine nous préoccupation majeur ni le but de nous connaissance et pas donne aucaine pouvoir lors nous à celui ki péna aucaine pitié pour nous. (Tirmidhi)

Allahumma inni as'alukal-huda, wat-taqaa, wal-'afafa, wal-ghina.

Ô Allah! Mo demande Toi la guidance, la piété, la décence et la richesse [ki pou suffit pou moi]. (Muslim, Tirmidhi)

Allaahummak-finii bihalaalika 'an haraamika wa 'aghnini bifadhlika 'amman siwaaka.

Ô Allah! Accorde-moi suffisamment de To du biens licites et non pas To du biens illicites et enrichi-moi par To grâce et non pas par celle autre ki Toi. (Ahmad, Tirmidhi)

Allahumma inni a'udhu bika minal-'ajzi wal-kasali wal-jubni wal-bukhli wal-harami wa 'adhabil-qabri wa fitnatid-Dajjal.

Ô Allah! Mo cherche protection auprès de Toi contre l'impuissance, la paresse, la poltronnerie, l'avarice, la vieillesse, punition de la tombe et tentation de Dajjal. (Muslim, Abu Dawud, Tirmidhi).

Allahumma inni as'aluka l-jannata wa ma qarraba ilayha min qawlin aw 'aamalin, wa a'udhu bika minan-nari wa maa qarraba ilayha min qawlin aw 'aamalin, wa as'aluka an taj'ala kulla qada'in qadaytahuli khayran.

Ô Allah! Mo demande Toi Paradis et saki pour faire moi rapprocher avec li comme parole ou action. Mo cherche protection avec Toi contre l'enfer et saki pour rapproche moi avec li comme parole et action. Et mo demande Toi, Ô Allah! Ki li bénéfique tout saki To fine décider pour moi. (Ibn Majah)

Dans ene Hadith dans Bukhari, Al-Bara 'bin 'Azib (ra) raconteur ki le Saint Prophète (saws) fine dire li : « Sak fois to alle dormi faire Wuzu, dormi lors côté droite et dire : **"Allahumma aslamtu wajhi ilaika, wa fauwadtu 'amri ilaika, wa alja'tu zahri ilaika raghbatan wa rahbatan ilaika. La malja'a wa la manja minka illa ilaika. Allahumma amantu bikitabika-l-ladhi anzalta wa bi-nabiyika-l ladhi arsalta"** (Ô Allah! Mo soumette moi à Toi et mo faire confiance are Toi dans tous mo bane zaffaires et mo dépanne lors Toi pour To bénédiction avec l'espoir et la frayeur de Toi. C'est avec To tousel ki capave cherche protection. Ô Allah! Mo croire dans le Livre (le Qur'an) ki To fine envoyer et dans le Prophète ki To fine envoyer). Ensuite, le Saint Prophète (saws) dire li: "Si to mort sa la nuite là, kan tonne lire sa duah là, to pou mort avec Imaan (dans l'Islam). Faire ki sa duah là vine to dernier paroles (avant to dormi). »

Dans ene Hadith compilé par Bukhari, Jabir bin 'Abdullah raconté ki le Saint Prophète (saws) fine dire : « Celui ki écoute Azaan, dire **'Allahumma Rabba hadhihi-d da' watit-tammati, was-salatil qa'imati, ati Muhammada nil-wasilata wal-fadilata, wab' as-hu maqaman mahmuda nil-ladhi wa'adtahu"** [O Allah! Seigneur de sa l'appel parfait là, et de sa Salaat (Namaz) régulier ki pou faire là, donne Muhammad le droit d'intercession and grandeur, et donne li (le Jour Dernier) bon place dans Paradis ki To fine promette li.] Alors, mo intercession pou vine légal pour li Jour Qiyamat. »

Hazrat Abu Huraira (ra) raconté dans ene l'autre Hadith ki trouve dans Sahih al Bukhari ki le Saint Prophète (saws) fine dire: « Dire **'Ameen'** kan Imam dire: **'Ghair-il-Maghdubi 'alaih Walad-Dhallin'** (c-à-d, pas le chemin de bane ki fine

mérite To colère, ni bane ki fine perdi chemin [ki fine égarer]). (Al-Fatiha 1: 7). Si sa 'Ameen' là coïncide avec 'Ameen' de bane anges, alors tous so bane péchés passes pour pardonner. »

Encore dans Bukhari Shareef, Rifa'a bin Rafi' Az-Zuraqi (ra) fine raconté: « Ene jour nous ti pé faire *Salaat* (Namaz) derrière le Prophète. Kan li fine lève so la tête depuis dans Ruku, li fine dire, « **Sami' al-lahu liman hamidah.** » Ene dimoune ki ti derrière fine dire : « **Rabbana wa lakal-hamdu, hamdan kathiran taiyiban mubarakan fihi** » (*Ô nous Rab! Tous bane louanges pou Toi, beaucoup de bane louanges ki bon et béni*). Kan le Prophète (saws) fine complète so *Salaat* (Namaz), li fine demander: « *Ki sanlà fine dire sa bane paroles là?* » Dimoune là fine dire : « *Moi* ». Le Saint Prophète (saws) fine dire: « *Mo fine trouve plisse ki ene trentaine anges pé mette pariaze pour écrire sa premier.* »

Fine rapporter dans Bukhari, ki bane *Sahaba* (compagnons) ti pé tende le Saint Prophète (saws) cherche refuge avec Allah contre punition dans *Qabr* (tombe). Hazrat Abu Huraira (ra) rapporté ki le Saint Prophète (saws) ti ena l'habitude invoque Allah coumsa : « **Allahumma ini a'udhu bika min 'adhabil-Qabr, wa min 'adhabin-naar, wa min fitnatil-mahya wal-mamat, wa min fitnatil-masih ad-dajjal.** » [*Ô Allah! Mo cherche protection avec Toi contre punition dans Qabr (tombe) et contre punition dans l'enfer et contre bane grands difficultés de la vie et de la mort et contre grand difficulté de Al-Masih Ad-Dajjal.*]

Toujours dans Sahih al Bukhari, Hazrat Abu Huraira (ra) rapport ki le Saint Prophète (saws) fine dire: « Si ene parmi zot éternuer, li bizin dire '**Alhamdulillah**' (*Tous louanges pou Allah*) et so frère [ou camarade] (musulman) bizin dire li, '**Yarhamuka Allah**' (*Ki Allah gagne pitié de toi*). Kan deuxième là fine dire sa parole là [*Yarhamuka Allah*], premier là bizin dire: « **Yahdikum Allah wa yuslah balakum** » (*Ki Allah guide toi et améliore to condition*). »

Ibn 'Abbas (ra) fine raconté dans Bukhari, Muslim & Tirmidhi ki le Prophète (saws) fine dire: « Si ene parmi zot gagne relation sexuelle avec so madame, li bizin dire : « **Bismillah! Allahumma janibnash-Shaitana, wa jannibish-Shaitana ma razaqtana.** » (*Au nom d'Allah, Ô Allah, protège nous contre Satan et éloigne Satan de sa ki To pour donne nous*). Et si li gagne ene zenfant (comme résultat de sa relation sexuelle là), Satan pas pou faire li du tort. »

Mo arrête ici pour azordi. Mo faire *duah* ki Allah (twa) donne moi le *Tawfiq* pour continuer lors sa même sujet – bane *duahs* de Hazrat Muhammad (saws) – vendredi prochain. *Insha-Allah*.

Ki Allah permette à sakaine parmi nous pou plonge dans signification de sa bane *duahs* de nous grand et noble prophète Hazrat Muhammad (saws) et pou faire zot vine ene partie intégrante de nous la vie. Pli nous invoque Allah, nous serse So l'aide, So soutien, So miséricorde, So l'amour et So bane bénédictions, pli Allah pou satisfait de nous et pou aide nous et béni nous par So puissance absolu, par So compassion et So l'affection. *Insha-Allah, Ameen*.

Kan nous cause Muharram, nous cause aussi de Ashura, le 10^{ème} Muharram ki faire nous mazine aussi le sacrifice de Hazrat Imam Hussain (ra). Dans sa mois consacré à Allah là, l'Islam fine rédonne à Muharram so vraie valeur parski le prophète Muhammad (saws) fine révèle nous la grandeur de *Yaum-e-Ashura* ki trouve dans sa mois là. Pendant sa jour là, ene de bane plus grands actes d'adoration (*Ibaadat*) c'est pou garde *Roza* ou faire beaucoup de *duas*, *Istighfaar*, et lire Quran avec traduction et aussi faire bane Namaz *Nafil*. Beaucoup de bane grands l'évènements fine déroulé sa jour là.

Dans ene Hadith de Musnad Ahmad, d'après Hazrat Abdullah Ibn Abbas (ra) le Saint Prophète (saws) fine dire: « *Garde Roza le jour d'Ashura mais distingue-zot de bane juifs en jeûnant ene jour avant et après.* »

Couma mo fine dire zot, nous capave aussi faire *Tauba* et *Istighfaar* parski fine aussi rapporté ki sa jour là, Allah (swt) fine accepté le repentir de Hazrat Adam (as), et c'est sa jour là ki Hazrat Musa (as) ti gagne la victoire lors Pharaon.

Donc le jour d'Ashura, zot capave lire beaucoup « **Soubhanallah Walhamdulillah Wa Laa illaaha illallah Allahu Akbar Wala Hawla Wa Laa Quwata Illah Billah Hil Aliyil-Azim** ». [*Gloire à Allah, tous bane louanges pou Allah, Pas ena personne ki digne d'être adorer excepté Allah, Allah Li Grand, Péna ni kit les autres puissance ni la force en dehors d'Allah, Le Très-Haut, Le Très Grand*]. Et lire bane Namaz *Nafil* pour zot propre bienfaits, pour connecter zot plisse avec Allah, et profite pleinement de bane bénédictions divines.

Garde à l'esprit ki zot bizin honore la vie ki Allah fine donne zot en aidant la cause d'Allah dans tous bane façons ki zot capave. Zot bizin assure zot ki zot l'intentions et zot bane actions zot toujours purs et sincères. Rappelle zot de Allah beaucoup et rappelle zot de So présence et de So l'aide à So bane messagers et à la sainteté de l'Islam. Rappelle zot de bane sacrifices de sa bane hommes de Dieu là ki, contre toute attente, avec l'aide d'Allah, zot fine capave remporte la victoire lors le mal. Sak kitchose, sak l'événement ena ene lé temps spécifique. Nous, bane musulmans, nous bizin enlève la racine du mal de nous les cœurs. Nous bizin toujours commence par nous-mêmes et ensuite aide petit à petit pou élimine bane mauvais l'herbes de l'infidélité, de la non-croyance et de la confusion dans bane zaffaires de *Deen*.

Rappelle zot ki pou ena continuellement toutes sortes de pharaons ki méchants et bane dimounes couma Yazid bin Mu'awiya. C'est à nous pou prend nous position et pou vine ene Imam Hussein bin Ali (ra). Faudé zamais nous renonce à nous bane devoirs spirituels, sa bane mêmes devoirs ki l'Islam fine confié nous. Tout saki Allah fine réservé pour nous, ki li bon ou mauvais, nous bizin soumettre nous à la volonté d'Allah, parski Allah conne le passé, le présent et l'avenir. Li Omniscient [Li conne tout] et c'est Li-même le Pouvoir Absolu. Sans So l'aide, nous pas pou capave amène la révolution spirituelle, et ramène bane l'âmes perdues dans le giron [*Godi/ l'Enceinte*] de l'Islam.

Par conséquent, li de la plus haute importance ki zamais nous oublier Allah. Faudé zamais nous oublier pou invoque Li et serse So l'aide afin ki Li capave soutenir nous et rendre impuissants bane ennemis de So vraie la foi. Quand nous la foi pou absolument solide, c'est alors ki Allah pou balayer tous bane fouteurs désordres et pou permette la victoire de l'Islam de vini, d'ene telle façon ki sa la victoire là pou magnifique. *Insha-Allah*.

Alors, ki Allah aide nous pou aide So cause d'ene excellent façon. Allah fine envoie nous couma So bane serviteurs choisis dans le Jamaat Ul Sahih Al Islam pour travaille vers sa but béni là. Donc, nous ena beaucoup de travail à faire. Mais avant tout, zot bizin réforme zot dans bane façons splendides afin ki la lumière de l'Islam brille dans zot et ki à travers zot beaucoup bane l'âmes perdues zot réussi gagne la vraie guidance. *Insha-Allah, Ameen*.